

白耆山人文集

流寇議

有引

壬午夏秋間予至京師駐流寇方圍開封撫臣高名
衡遣其子叩關乞師首揆周簪迫無策但云棄之而
已予聞之愕然謂友人某太史某給諫曰開封非邊
外地棄之則河南盡爲寇據淮揚必不可保漕運中
阻京師大事去矣因草流寇議欲上之竟爲首揆所
忌友人促予疾出京勿久留蓋九月二十七日也附
刻於此以俟後之尙論者

流寇爲中原患最久任事者數易無成功言事者舉不得其
要領之所在夫任事者之人不出言事者乏人言之而得及
其任之也尙未必如其所言言之而不得則及其任之也效
可觀矣○愚以爲寇何能爲我患患我無所以制寇者耳○有兩
誤焉○有五失焉○有九筭焉○何謂兩誤○龜錯之言曰○安邊境立
功名在於良將○不可不擇○夫錯之所謂良將○直戰將耳○如今
之總兵都督官是也○非大將也○書尊元聖○詩稱尙父○漢以三
公兼將軍之職○唐以宰相行宣慰之事○宋以樞密領安撫經

畧招註之使權高望重身係天下安危此非智深勇沉文武
兼濟者不能也我朝設總制經畧率川侍郎兼風憲之銜者
往洪武間遣楊榮行邊則大學士也正統間遣羅亨信王驥
則都衛史兵部尙書也近因流寇造逆皇上震怒閣臣樞
臣督師者賜尙方劔其隆重比前人有加矣豈非古推轂遺
意耶古人不拘資格惟才是視有天子熟知其生平者有公
卿大臣特薦者有歷試之郡國實見其可用者有上書願求
自効者有拔之行伍罪辜之餘者韓淮陰不遇滕公且斬矣

諸葛武侯微三顧不竟以梁父吟終耶郭汾陽以太白延譽
名始著裴晉公蔡州之役賴憲宗獨任之韓退之表云惟斷
乃成蓋歸功天子也之數子皆大將才也使當事者不知愛
惜其才用之如無用焉彼何從展布朝廷亦何從享其厚報
乎國家以制莠取士以資俸序官其不肖者不足道賢者稽
古自命砥礪風裁居內則有文獻之名居外則有循良之譽
備顧問司封駁卓有可觀獨軍旅之事則必素深於韜鈴奇
正之書親歷乎山原險阻之變暑寒甘苦與衆共之戰陳鋒

鎬以身臨之。自非然者。挾輔樞之貴。恃勅劔之威。錢糧惟其
所請。除敘惟其所私。激勸罔聞。士卒失懽。大敵一臨。直委而
去之耳。嗟乎。病臥者必不可以負鼎。徒步者必不可以涉江。
游鼎未始加重。江海未始加廣。且深也。天下豈無烏獲之力。
舟楫之具哉。獨無奈臥病徒步者何耳。又無奈臥病徒步者。
不自知其不能。而妄以爲能耳。豈惟其不自知抑人且有不知其不能。妄以爲能。而使之者矣。豈惟不知其不能抑且有
明知其不能。而會推乏人。姑以爲能。而強使之者矣。夫不自

知其不能而自謂能者○罔也○不知人之不能而使之往者○陷也○知其人之不能而姑使之往者○迫於會推借以塞責也○用人者不得已而推之爲所用者不得已而應之不得已之命一出於廟堂不可知之禍遂延於州郡○庾亮敗奔夏竦見侮喪師辱國禍莫大焉○則用人者與爲人用者罪亦同○歸於一而已○孔子曰○孟公綽爲趙魏老則優○不可以爲滕薛大夫○苟當時大冢宰大司馬操衡鑑於上○臺省虛公博訪舉所知於下○軍旅之事必付之能治軍旅之人○何至有輸載助予之悔○

乎。故曰擇將而不得其人。朝廷之誤一也。昔者樂羊之拔中山也。謗書滿篋。文侯不問。陳平之間楚使也。恣萬金出入。高帝不問。光武之答岑征南也。曰荆門之事。繇公爲重。宋祖之遣曹武惠也。曰江南之事。一以委卿。兵貴神速。進退惟將。掣肘則謀必洩。謀洩則軍必敗。自然之理也。今天下獨無樂羊。陳平輩其人。苟得其人而用之。出奇制勝。對陳決幾。或斬將立威。或納降用間。或委城餌寇。或圍碁示暇。而昧於兵者。隔千里之外。遙聞之不審其所處之爲何地。所適值者之爲何。

時○心○疑○色○變○執○簡○而○前○曰○若○似○玩○寇○也○若○似○畏○敵○不○敢○進○也○
若○似○康○費○金○錢○也○若○似○藐○視○朝○廷○無○人○也○若○除○授○似○有○所○私○
也○若○似○有○異○圖○也○侃○侃○危○語○聳○然○可○聽○而○不○知○已○犯○軍○家○之○
大○戒○矣○重○者○械○繫○輕○者○罷○斥○立○監○以○分○其○權○臨○敵○而○易○其○帥○
盧○植○檻○車○道○濟○投○幘○一○簣○山○樛○十○年○功○廢○爲○文○侯○高○帝○者○誰○
爲○光○武○宋○祖○者○又○誰○耶○故○曰○將○將○而○不○能○盡○其○用○朝○廷○之○誤○
二○也○何○謂○五○失○督○師○監○司○率○皆○文○士○其○產○近○邊○塞○者○猶○習○見○
戰○鬪○之○容○然○亦○未○必○親○臨○矢○石○也○若○中○原○以○南○生○長○貴○介○周○

歷臺省不復知金鼓刀鋌爲何物。忽而開陣操炮三軍齊步。外光在瞬。鐵交有聲。矢雨砲鳴。馬奔旗變。左右相失。身忘其處。誰能以輕裘緩帶立生死須臾之地。神色自若乎。是惟有閉城待命而已。棄城外如異域。聽其焚燬。不相關涉。曰吾以重封疆也。天子有道。守在四夷。諸侯守四隣。大夫守四境。蓋不令其逼近門庭。覘我淺深。旣以示武。且使進退有餘地也。烏有所謂守在四門者哉。生死存忘。悉委諸賊之去來。喪耻毀名。莫此爲甚。此其失之怯者一也。國家文武並用。然所在

武臣皆以文臣統攝之○恐武人不學○易生變亂○汰甚善也○然當推心置腹○安慰保全○倘自謂節鉞在掌○生殺惟命○恣睢睥睨○刻薄寡恩○彼慄慄推魯之衆○吠聲羣起○將以汰誅之乎○慮其激而與我爲敵也○將隱忍以聽之乎○汰屈而威不振○師百萬猶子處耳○上貽君父之憂○下爲士卒所窘○劉胤謝萬覆車○匪遠○此其失之慢者二也○春秋戰國○諸侯割據○彼此相征伐○無虛日○然猶不廢救災恤鄰之禮○今四海一家○雖省直分界○無非爲朝廷供厥職也○豈有寇至則止○求其出境而不惜隣

境之罹災○寇在隣境○則借言信地○歛兵勿援者乎○同守封疆○
自生○越迨唇亡齒寒○隣盡而及於我○彼之○所以報我者○亦○
猶是也○此其失之孤者三也○從來言兵事者○戰守而已○無所○
謂撫也○撫卽宋之所謂和耳○和用之於夷狄○且不可○况流寇○
乎○流寇皆我朝廷之赤子也○偶以催科之故○爲有司所迫○至○
於殘破大郡○傷辱親王○此其罪已無可赦矣○况我兵屢爲所○
剗○未有可以挫其逆鋒○制其死命者○如餓夫哀巨賈而進之○
食○有不貽笑者乎○朱儁之擊黃巾也○賊乞降○儁不可○曰○秦項○

之世民無定主故賞附以勸來今海內一統惟黃巾造逆納
降無以勸善更使賊利則進戰退則乞降縱敵長寇非良計
也夫以僞之決勝如此以敵之窮困如此且不肯輕許之撫
今身爲大臣總六師於境上不能料敵決勝乃託名征勦而
陰行撫之之術以冀倖萬一日爲羣盜所狎而不自知此其
失之愚者四也祖制非汗馬功勞不許世爵茲流寇陸梁懸
封侯之賞以待有功可謂異等矣任事者宜開誠布公覈名
實嚴紀錄質直無隱賊平之後功自歸之今賊勝則不以報

報亦千百之十一耳。我獲其一二。謀者輒千百報之。日攘奪
戰士功。爲已有。有夫衆處軍中。誰無聞見。功罪原不容拚。且身
爲三軍之主。三軍之功。皆我之功也。匿之。冒之。何爲乎。漢故
事。破賊文書。以一爲十。獨國淵上首級以實數。曰。征討外
將。以大武功。聳民聽也。封域之內。百姓叛離。雖克捷。無筭
竊耻之。今流寇非封域以內者。或有功者。尙不欲多報。况無
功而濫冒之耶。名實溷則。豪傑解體。此其失之欺者五也。何
謂九筭往者。丙年饑饉。民不樂生。有司重歛酷刑。遂爲一二

饑饉言煽惑釀成大亂其意謂死於有司不若死於殺掠
之爲愉快也然殺掠之慘原非百姓所習久將厭惡恨悔而
不可得人之常情也今新政蠲租海內催悅轉亂爲治正在
此時倘有司仍以貪殘奉行天下以爲朝廷不過以空言欺
百姓耳催悅者且痛哭公矣故必選廉惠素著者使往牧之
稅簡民安耕桑如故夫死於有司固不若死於殺掠之爲快
死於殺掠又何如生於族黨村落間之爲更快乎從賊者相
率思歸家居者之必不肯從賊可知也如此則賊勢衰矣等

一也。運籌帷幄。督師主之。巡撫監司贊之。彼斬將奪旗者。何人乎。勢不得不賴之。總兵叅遊諸將。諸將用命則勝。不用命則敗。理之必然者也。顧使之用命者。徒以權位鉤繩。刑威震疊而已乎。抑鼓舞駕馭之有其道耶。晉悼公蒐於綿上。使士句將中軍。士句讓其下。皆讓三鄉。而楚不能與爭。陸賈見陳平曰。將相調和。則士豫附。君何不交驩太尉。平用其言。定諸呂。溫嶠軍乏食。貸之陶侃。侃曰。師克在和。古之善教也。侃感悟。鄧羗怒王猛。斬徐成。欲攻之。猛救成。馳入其軍。慰以好言。怒

遂解李抱真酣臥王武俊帷中武俊感其誠許以死報虞允
文撫時俊之背激之爲兒女子俊輒力戰大捷今襄皖鳳鄖
河南諸將與流寇相持者豈乏人哉顧不肯爲我用命何也
鼓舞駕馭之道失不足以服其心也有恣焉一以至誠感動
之使人人懷忠孝之思一以賞罰約束之使功罪咸宜無怨
辭一以顏色晉接之使有勇武有方畧者皆欣然得以自見
其所長蓋人各有心誰肯不策勲當時名垂後世但兵凶器
戰危事又誰肯以生死不測之身爲不知已者輕用乎苟得

其術之之道則心平氣和上下如一釋私讎超公義悍者柔
詐者信弱者起驕者肅呬者合蹈淵赴火捷於響應在彼固
不覺其何以爲我用命如此也此其故殆難言之也筭二也
古帝王之用兵也取亂侮亡救民水火故止戈之訓武今則
以暴掠百姓而已所過財物婦女劫搜靡遺誣指百姓爲賊
殺之以報幕府上首功焉一遇賊至鳥驚魚散莫知所之此
無他將帥不知訓之於平日斯不能禁之於臨時且有不肖
之將帥縱之以實囊橐者更可痛也是必嚴論將帥申明紀

律露宿則結營入市則平價敢有侵我良民蹂我禾稼者刑
無赦如此則百姓方歌舞壺漿以迎王師矣○
役從來以士卒之賤者充之如驛使塘報然夫兩軍相角誰
肯以虛實示敵獨偵探者先得其情狀耳此兵家勝負大機
也○
用非其人則有隔數百里數十里而妄謂已至者有已至
而猶謂尙遠者○
總之畏死心重實未嘗深入敵境也境且未
入○
况情狀乎○
未至而誤爲至則軍心疑已至而誤爲未至則
猝然受攻是皆敗道爲今之計宜慎選偵探之才而大用之○

非素所親任者莫遣也○恐其未必忠於主也○非勇敢之士莫遣也○恐其未必深進也○非變詐猾稽者莫遣也○恐其陷於敵中○不能自脫○且以洩吾事也○當別爲一隊○以一將當統之○選擇而使○給鞍馬○餼糧○聽其晝夜四出○緩急輒報○有功則計數上幕府○簿○紀○錄○陞○遷○與○殺○賊○者○等○罪○則○以○軍○法○從○事○如○此○則人人以偵探爲榮○誰敢不竭力供職○求敵之情狀以告我者○巢穴安在○糧食屯積安在○往來熟路安在○險隘安在○賊之衆少○強弱何如○黨援何如○賊首行事號令何如○其素所憚者爲

誰其素所輕視者爲誰其素與之角立者爲誰其腹心用事者爲誰其羣賊樂從其渠魁否抑怨其渠魁思歸鄉里否如此則賊之情狀我盡得之虞詡以善繼者置賊中王式選懦卒爲候騎皆偵探之至善者也馬伏波聚米爲山世祖曰在吾目中矣夫伏波自隴西來敵之情狀悉知之然則伏波固漢之主偵探者哉筭四也賊之情狀得矣然後定謀兵法云知己知彼已非士馬多寡強弱之謂也謂其將帥之智計淺深遲速耳晉樂枝戰於城濮曳柴僞遁敗楚師周亞

夫聽趙涉計乘傳至洛陽以梁委吳絕七國饒道大破之李
光弼戒諸將勿與高延暉李日越戰降則與之俱來後果然
狄青上元夜張燈高會未明奪崑崙關凡此皆謀勝之大較
也○今流寇恃衆貪虐無紀律貪則易餌虐則人怨之恃衆則
驕無紀律則易搖動數者有一於此必敗而流寇兼有之誠
能因天時之便相地利之宜分牽之以殺其勢虛張之以疑
其心斷其餽餉以使之匱乏扼其救援以使之無所恃捫其
所必救以亂之劫其所不意以驚之餌之使迫則伏險以邀

之怒之使求戰則嚴壁不出以挫之委之堅城以老之誘之
絕地以威之賊之所長我則避之賊之所短我則擊之以逸
待勞以整待紛賊方奔走自救之不暇而暇圖我乎司馬仲
達平遼東計往來不過一年岳鵬舉破揚泰不出八日謀定
故也筭五也謀定矣然後用間夫以賊攻賊者之謂間寇起
山陝之初各携其妻孥親戚置營中其持刀弓乘馬衣帛者
皆是也十餘年以來初起同心戮力者死亡過半矣所掠我
人但以供井臼芻豆役使耳彼人莫愛也是以有數日返者

有數月返者有數歲返者○彼人既不加多○又不敢與我人相
信○又不得不選我人以充其用○其事異心○必生內變○趙充國
之料○罕元也○曰○羌人所以易制者○以其種自有豪數相攻擊○
勢不一也○曹操之料公孫康也○曰○康素畏袁尚兄弟○急之則
其相收○緩之則自相圖○其勢然也○今流寇所處之勢○非所謂
種自有豪數相攻擊者哉○然間之使自相圖者○未有人也○誠
得大將握重兵於要地○因事設疑○如田單之於樂毅○陳平之
於范增○猜嫌既形○腹心自潰○使賊外懼我○內懼爲其黨所謀○

必將有自相吞噬計第歸命者矣古人居高視下審敵情之
急緩而操縱之是以能坐而承其敝也第六也議者好言入

山搜賊

時楊嗣昌以內閣督師搜六安山故云

兵法云十則圍之倍則攻之賊

出沒路徑非一我兵不多於賊搜之則必設長圍設長圍則

處處防衝笑我不戰先疲矣此獨有奕家審先後法耳范睢

遠交近攻秦用其法交齊使不助五國光武知隗囂公孫述

不足爲患曰且當置此兩子於度外遂專意平江淮山東諸

盜郭嘉策袁紹性遲勸操急擊劉豫州趙普謂太原當西北

二面克太原則西北我獨當之不如姑俟削平諸國蓋賊衆則我不能並禦賊強又不可以力取常有次第於其間察其渠魁之遲發者陽以計懾之使不敢先動而陰合諸將併力以攻其狡健者如此則我之兵勢不分而又無前後受敵之患一賊授首羣賊悉靡落矣第七也寇渡河而南初所陷特州縣村鎮耳近大郡亦爲所陷行且圍開封犯維揚矣聞其陷襄陽也僅十有八人其取洛陽也城內民以怨福王之故開門迎之歸德則縣令與鄉士大夫激變防禦遂疎若是則

城之陷○非寇之力能攻之也○寇亦有天倖焉○實繇守之者非
其人耳○戰則彼此相攻○守則自有賊攻我○無我攻賊者○安危
聽之賊○我得不坐○困耶○然守得其人○較之戰○更易爲力○百姓
旣蒙寬租○則復業者衆○勵之入城○其守必受命○士大夫身家
居城內○與之計議其守○又必受命○積薪米○備器械○火藥○慎議
察督監○以時申禁○堅壁清野○賊至無所掠○賊敗又無所據○戰
者日尾其後而擊之○賊又不敢持久於城下○倘守者兼能用
戰○如韋孝寬之在玉壁○張巡之在睢陽○乎○賊計日滅矣○筭八

也○流寇長技○惟恃刀馬○飄忽震蕩○出沒不時○然不知有所謂
節制○一用節制○則練步卒○足以破之○夫騎兵衝陣○逐敗則有
餘○殺賊則不足○實能殺賊者○步卒耳○設有兩人○於此一馬○
步隔數十步外○馬上者○可以弓矢得志○然猶或不中焉○短兵
一接○步下者○直反手揮刃而墜之矣○蓋馬雖馴熟○終勞罄控○
固不如步行者○盤旋避就之爲便利也○但步卒未明此理○驟
見衆馬衝突○如崩如潮○勢不可禦○遂披靡贖亂耳○苟平日講
求訓練○使衆皆洞然於彼此長短之故○又試之小勝○以堅其

膽然後嚴申號令有進無退退則必斬并及隊長以徇於是
藏火藥選弓矢環甲擁盾以一刀間一矛魚貫雁行聞鼓齊
進賊馬至必用矢矢則我有盾矛刺其上刀砍馬足於下如
岳忠武破長蘆軍之法彼飄忽震蕩者一時俱廢矣至如賊
旁衝則左右翼之賊遁走則抄徑要之賊悉出則乘虛搗之
數者非馬不可雖然練步卒至此豈易言哉平日撫愛壯士
優賞健兒風霜疾病死喪瘡痍罔不憐念父母妻子之至情
金帛糧餉之小物罔不周詳設身處地委曲推恩恩在人心

方思圖報而又有嚴令以約束之其誰不畢命疆場耶吳起
與士卒之最下者同居處○李牧日椎牛以饗士卒○人固有惠
之○而後不苦於威生之○而後視死如歸者非一朝一夕之積
累也○筭九也○恠其誤鑒其失善用其所筭以制之於流寇何
有哉○

安集殘破地方議

數千里○破郡縣以數百計○破者苦城中○未破者苦村落○
所過無雞犬聲○士民子女死且俘者百萬○廬舍虛無人○牛貴○
踰良馬價一○望荒蕪○絕行跡○白骨積○燬盡間○國家將三百年○
慘辱痛心○未有若今日之甚者也○無按以蠲租○請命旨○未能○
及半○有司嚴酷○方且便存者代死○亡者輸納也○噫○亦甚矣○曾○
子○上失其道○民散久矣○如得其情○則哀矜而勿喜○此非牧○
民者○本論哉○然曾子當時適爲爲士師者○發也○夫士師之與○

民○牧○不○啻○懸○絕○古○人○以○牧○民○之○道○教○士○師○今○之○人○以○士○師○之○
道○牧○民○且○用○士○師○之○失○其○道○者○以○牧○民○何○古○今○之○相○反○甚○耶○
或○曰○今○天○下○四○方○多○事○需○兵○餉○我○皇○上○亦○處○於○無○可○如○何○
之○地○撫○按○雖○請○無○益○也○有○司○安○得○不○奉○法○催○科○肯○以○功○名○付○
獄○吏○乎○愚○謂○撫○按○特○未○力○請○耳○其○未○力○請○者○何○有○司○先○未○力○
請○之○撫○按○耳○重○功○名○則○輕○民○命○輕○民○命○則○輕○用○刑○罰○殺○之○
於○前○官○殺○之○於○後○殺○有○已○時○而○官○殺○者○無○已○時○我○皇○上○
果○深○知○之○耶○知○之○則○有○司○當○盡○從○阿○大○夫○烹○矣○富○鄭○公○知○青○

州○活○流○民○五○十○餘○萬○募○爲○兵○者○萬○餘○帝○聞○之○遣○使○勞○公○拜○禮○
部○侍○郎○公○曰○救○災○守○臣○職○也○辭○不○受○今○天○下○民○牧○惟○知○飾○罪○
爲○功○求○美○官○烏○知○災○之○當○救○又○烏○肯○救○災○而○辭○美○官○耶○愚○謂○
殘○破○地○方○當○治○之○以○守○令○之○賢○者○賢○者○不○剝○民○以○自○養○不○沽○
虛○譽○期○以○實○政○惠○民○不○畏○強○禦○能○自○行○其○意○凡○有○乞○陳○爲○上○
官○所○信○重○無○掣○肘○其○百○姓○死○亡○絕○種○類○者○田○入○官○租○稅○除○之○
其○死○亡○有○遺○孤○者○給○口○糧○使○附○其○所○親○者○存○活○之○其○未○死○亡○
而○赤○貧○無○力○坐○視○荒○蕪○者○置○耕○牛○粒○種○以○助○之○其○遠○方○被○掠○

子女委棄溝壑者埋之。生者貯公署。寄信其家人還之。或擇其年之相當婚嫁之。設冊紀錄。分別中文。議蠲議賑。議停議恤。務求撫按。入告得施行而後已。否則痛哭流涕。以去就爭之。又復布示井里。使知朝廷德意。常勉圖忠孝。以仰酬之。詞訟爭角者。勸息之。山林盜賊竊發者。解散之。兼築城鑿池。備器械募勇士。以防禦之。蓋片之公也。旣大得志。則其來亦必輕躁無時。安知不秋高復舉乎。凡此皆所以安集之也。雖然。求守令之賢者於今日。可多得哉。且又何以知其爲賢者而

授之任乎。其愛百姓而不貪者。卽賢。其貪而不愛百姓者。卽不賢。其喜爲百姓請命。不願加賦者。卽賢。其喜加賦而不肯爲百姓請命者。卽不賢。司馬君實之言曰。天地生財。止有此數。不在民。卽在官。未聞不加賦而生財者。夫有司之威。無所不勝。雖殘破窮鄉。偏能鍛鍊。以快其所欲。上蠲而有司未必蠲也。上加而有司之加倍之。今天下之有司。恐不敢望之。以不加賦之事也。但望其加賦。而用足。加賦而用不足。有司指尅之罪。非百姓之過也。蓋爲有司計者。若曰。加賦而不培尅。

無貴乎其爲加賦也云爾夫加賦而不措尅是猶以百姓補
百姓加賦而措尅是徒以百姓利有司以百姓補百姓則未
死○亡○者○爲○死○亡○者○所○累○以○百○姓○利○有○司○則○未○死○亡○者○又○爲○有
司○所○累○而○終○無○補○於○死○亡○者○噫○天○下○事○尙○忍○言○哉○

上史閣部書

有引

予以乙酉正月十六日赴閣部史公之聘十九日至白澤河相見時興平伯高傑新爲許定國所殺河南大亂予勸公西行鎮撫之公懼甚逗遛不進二十七日抵徐州傑諸將約束待公命公爲設提督統其衆處分草草又用左右計退保維揚予苦留之弗聽且欲挾予同行蓋二月初九日事也予審其必敗託言渡河取家屬遂歸湖上以書貽之云云

梅生平無長才不能修飾邊幅與時人周旋惟兢兢先人家訓好名節又好讀古人書遇古人有氣誼事功文章者輒慨然欣慕其卑不足道者心鄙夷之或形之詩歌以詆刺之至處目前鄉黨師友以及先達上官皆復如是先座師姚現聞公嘗誡梅曰子嫉惡太嚴面折人過恚辯難召愛憎非明哲保身之道梅心誌之然終不能改也謂世無知己則愛之憎之舉不足爲輕重也流冠初陷京師中原無主官繼至梅伏居苦塊力未能拒上書各院道請兵北伐又潛糾河北忠

勇之士凡數萬爲主帥前驅報先帝之大讐復祖宗之
疆土蓋自去冬三月間變至今日此心固未嘗須臾忘也何
期金陵鼎定一意偏安竟置先帝之大讐與祖宗之疆
土於不問耶梅登高南望涕泗交橫自慚微賤大之不能酬
國家三百年之恩澤小之不能庇宗族十畝之桑梓羈縻逆
旅蒙犯冰霜妻子饑寒家人散背親戚勸之行而不肯行朋
友招之隱而不肯隱此豈有所利於其間故爲是流離困苦
之狀邀富貴市虛名哉誠以河北皆本朝赤子忠義未忘人

心○可○鼓○不○忍○先○公○以○爲○民○望○也○天○下○豪○傑○少○而○庸○衆○多○必○有○
人○爲○之○倡○導○而○後○聞○風○者○廼○有○所○觀○感○而○興○起○是○以○孤○立○其○
間○首○先○罹○禍○幸○師○相○徵○書○下○辱○褒○美○過○情○於○是○持○書○而○遍○示○
之○曰○河○北○人○勿○恐○也○南○中○有○史○師○相○在○焉○其○人○仁○人○君○子○也○
知○汝○輩○從○賊○孰○非○得○已○但○能○潛○爲○我○用○我○往○爲○汝○白○之○必○不○
令○官○軍○殺○汝○也○彼○皆○踴○躍○南○呼○會○盟○歃○血○若○惟○恐○師○相○之○不○
以○父○至○者○此○其○心○何○心○哉○譬○爭○渡○者○偶○失○足○墮○水○中○且○沉○且○
浮○得○一○人○手○援○之○未○有○不○應○手○而○出○者○顧○援○之○者○緩○急○何○如○

耳○謂○其○必○不○肯○出○而○棄○之○勿○援○也○天○下○有○是○理○乎○然○則○梅○之○
惓○惓○隱○忍○而○務○出○於○此○者○蓋○甚○難○也○河○北○人○之○所○以○待○命○於○
師○相○者○恃○有○梅○梅○之○所○以○取○信○於○河○北○者○恃○有○師○相○以○故○前○
至○白○洋○河○方○陳○河○北○情○形○中○原○虛○實○師○相○初○未○之○信○迨○移○駐○
徐○州○不○十○日○而○僞○官○之○俘○果○獻○斯○時○也○豐○沛○倉○皇○濟○寧○震○動○
賊○無○多○兵○又○不○齊○集○一○處○以○大○軍○覆○之○僅○同○拉○朽○且○師○相○仁○
名○懋○著○海○內○歸○心○與○他○鎮○將○帥○不○同○况○高○興○平○全○數○精○兵○盡○
會○徐○州○若○能○選○鋒○銳○進○北○渡○長○征○所○至○之○處○不○煩○血○戰○必○將○

倒○前○途○之○戈○如○田○單○一○呼○而○下○齊○城○七○十○此○非○純○用○兵○威○者○
之○所○能○喻○也○惜○也○竟○以○擒○僞○官○終○也○於○時○河○北○百○姓○被○僞○官○
之○所○黨○者○殺○傷○剝○削○日○甚○一○日○咸○謂○此○舉○實○梅欺之此禍實
梅貽之矣嗟乎梅○豈○欺○河○北○之○百○姓○而○貽○之○禍○者○哉○良○繇○見○
知○於○師○相○者○淺○不○能○言○聽○計○從○以○至○於○是○耳○師○相○來○書○云○曾○
二○雲○諸○君○子○言○之○云○云○夫○曾○公○識○梅爲○何○人○哉○必○諸○君○子○中○
有○爲○曾○公○言○之○者○也○然○則○曾○公○亦○未○嘗○知○梅爲○曾○公○言○之○者○
知○梅也○假○使○諸○君○子○言○之○曾○公○曾○公○言○之○師○相○師○相○不○加○之○

物○色○將○奈○何○惟○師○相○加○之○物○色○而○後○諸○君○子○不○徒○托○之○空○言○
也○然○則○諸○君○子○亦○未○嘗○知○梅○知○梅○者○仍○獨○歸○之○師○相○也○而○梅○
猶○謂○見○知○者○淺○此○何○以○故○乎○古○之○君○相○所○以○稱○知○人○則○哲○者○
非○徒○知○其○人○之○姓○名○而○已○也○固○將○有○所○以○用○之○也○用○之○而○或○
以○爲○其○人○雖○賢○未○必○大○有○造○於○天○下○則○姑○且○置○之○是○其○意○蓋○
易○之○也○用○之○而○或○以○爲○其○人○雖○大○有○造○於○天○下○但○有○人○從○中○
毀○之○者○則○又○姑○且○置○之○是○其○意○蓋○疑○之○也○斯○二○者○用○人○之○大○
弊○也○若○師○相○與○梅○其○易○之○疑○之○欺○抑○敬○之○信○之○欺○易○之○疑○之○

而奈何徵之○徵之而易之疑之也○並其徵之之意舉不足以
生○知○已○之○感○矣○師○相○必○不○然○也○師○相○業○已○徵○之○則○必○將○有○以
用○之○苟○其○易○之○疑○之○也○師○相○之○庭○豈○復○有○梅○之○跡○乎○且○古○賢
士○所○以○重○知○已○之○感○者○不○重○其○恩○重○其○心○也○重○其○恩○者○衆○人○
重○其○心○者○賢○士○重○其○心○之○愛○之○者○衆○人○重○其○心○之○敬○之○信○之
者○賢○士○豪○傑○之○士○寧○爲○人○所○不○愛○不○肯○爲○人○所○不○敬○不○信○則
知○已○之○故○蓋○難○言○之○也○虞○翻○之○言○曰○天○下○有○一○人○知○已○死○可
不○恨○韓○愈○之○言○曰○一○日○而○九○遷○其○官○感○恩○則○有○之○矣○知○已○則

未也。夫天下人之所最惡者，莫如死。所深願而不可必得者，莫如一日而九遷其官。而二子以爲不可與知己者並較，是其視知己也何如哉？梅則以爲此猶不如越石父之言之深也。越石父之言曰：士訕於不知己，而信於知己；知己而無禮，固不如在綬綬之中。夫他人之所謂知己，不過文章延譽，仕進提携，以及患難貧乏，意氣慤慤耳。游俠之士，慕虛名，廣結內者，皆能爲之。然不知有所爲禮也。禮之中有敬之之意焉。有信之之意焉。甚則有殺之之意焉。施伯薦管夷吾，公叔座

薦術執皆云君能用則用之不能用則殺之夫薦人於人用
不用聽之耳○爲復使之殺之哉○梅以爲古今知己之感更
無有深於此者也○何也○天下漫無關繫之人用不用無益也
殺不殺亦無益○惟豪傑之士抱負旣殊○言論丰采亦異○雖武
幽囚落窶而神明沉湛○瞻視非常○識者一見卽隱然有敵國
外患之懼焉○用其所不得不用○斯殺其所不得不殺○殺之者
敬之信之○非易之疑之也○易之疑之○則亦不足殺矣○敬之信
之者○禮也○用之○禮殺之○亦禮也○人但知用之之爲禮而不知

殺之之爲禮是但知用之之爲知已而不知殺之之爲知已也知殺之之爲知已則感其殺之之意視感其用之之意不更深乎孟子之言曰諫行言聽膏澤下於民此之謂有禮焉越石父之所謂禮特就晉接威儀間論耳孟子則直以諫行言聽當之夫君子之仕於人國也固將以行其道也欲行其道必先行之於其君相諫者所以匡其君相之非言者所以佐君相之不逮深謀讜論一出於道德仁義之塗其君相遂相與敬而信之以爲此真可與其心腹托安危而後乃奉社

稷以從也。苟諫未必行。言未必聽。雖厚以筐篚。饌之瑟笙。而
其中之易之疑之者。固已多矣。穆生之杓。果醴酒不設之故。
哉。正以諫不行。言不聽。有易之疑之之意。忠臣公國不潔其
名。故責其小失。而託之以行。所以全賓主之交。成先王之義
也。今天下虜寇交訐。陵畿淪沒。正志士撫膺。貞犬咆勵之。
秋草澤山林間。隱如風后。賤如傅說。我如山余。窮如甯戚。刺
如聶政。老如侯嬴。趙如范雎。俠如劇孟。狂如鄉生。童如終軍。
進履如張良。策杖如鄧禹。擊楫如祖逖。捫蝨如王猛。奇材異

能。在。在。有。之。顧。所。以。禮。之。者。何。如。耳。不。可。謂。海。內。遂。無。人。也。
師。相。當。念。先。帝。之。讐。必。不。可。以。不。報。祖。宗。疆。土。必。不。可。
以。不。復。屏。除。譖。佞。裁。抑。貪。庸。進。骨。鯁。之。臣。崇。智。謀。之。士。決。戰。
守。之。策。收。果。斷。之。功。若。復。猶。豫。遲。回。輕。疑。輕。信。效。宋。人。乞。和。
之。覆。轍。祇。足。以。沮。忠。義。之。心。短。英。雄。之。氣。耳。恐。奇。材。異。能。者。
聞。之。相。與。躊。躇。太。息。裴。足。而。不。前。也。梅。衰。經。未。終。竄。伏。岩。穴。
原。不。乞。憐。師。相。附。會。功。名。但。以。微。辟。遠。惠。義。不。得。不。抒。一。得。
之。思。仰。酬。知。遇。况。師。相。方。在。此。哺。握。髮。集。思。廣。益。之。時。諒。不。

以諾諾者爲是而諤諤者爲非故發憤稱述無所忌諱蓋上以傷國家之式微而下以哀師相之勤瘁音與淚集不自知其言之過激也師相倘鑒其意之無他而採擇焉梅得竊比於諫行言聽之後願以布衣芒屨侍幃幄備顧問如欲以王事驅策之則當擇其大且難者以相付寬鞭轡假便宜專任責成生死不辭苟以衆人所能爲者見委是猶之乎易之疑之也疎狂竢直不能善事左右恐日後有投杼之禍行且去矣安往而不得其貧賤哉竊恐師相不能爲梅之知己而梅

徒爲師相之知己也。

附史閣部來書

獬豸萬衆未獲面縛昆明而下唐六臣之膝懸馮長樂之
組者方耳嚙足躡於金臺易水間載歌彼都鬱爾短氣門
下乃能獨蹈魯連之義鏘磬常山之齒脩然懷沙長辭鳳
鼓紀國變而傳高士寧無借門下爲弁乎得曾二雲及諸
君子札知門下不特明潔身之節蓋實能抒匡世之猷者
也時哉不可失其慨蹴琨夢而起以顧我於河水之陽不

仗將瞻蘭橈而歌心寫矣。臨楮曷勝淫切。

二雲諱櫻江西人丙辰進士時爲山東登萊巡撫

原缺

貽僞防禦使武愔書

有引

甲申三月流賊陷京師五月朔武愔以淮徐僞防禦使至沛沛人響附予避居微山愔屢使招予親友大爲予恐勸予往見予憮然太息蓋自知義不辱必死也因以書貽之云云愔陝西涇陽人癸未進士

明公不以敝邑爲湫隘惠然辱臨進父老子弟而勸諭之又擇其賢不肖而褒鉞之恩信洋溢威嚴渙布邑士人咸謂數十年未有此賢大夫也可不謂厚幸哉梅雖甚狂愚竊附士

庶人之列豈不欲扶杖往觀登堂受教顧三年王制甫及小
祥既不敢衰經晉謁又不忍變服往見是以細謹磴磴遲回
中止伏惟明公之鑒之也或者謂明公佐命重臣初蒞茲邦
萬務維新士民更化豈得仍拘常制獨不思禮之所稱王制
豈時主之制裁乃古聖王之制至當不易千載勿貳者也豈
有於彼則申於此則誦者或者又謂兩朝改革不無興廢之
嫌將疑粉託言讀禮而陰行遁避嗟乎梅誰氏之臣子哉縱
有此心亦豈可指爲罪譴先人世居沛上踐土食毛高曾祖

父一經家傳。初叨恩選。繼薦鄉闈。寸絲半救。誰非我先。

皇上深仁厚澤之所波及。曾未報効萬一。而天降疾威。罹茲凶禍。適在居廬。倉猝聞難。如夢方沉。如病方汗。如嬰兒之違乳母。如家犬之失主人。冷然驚跌。心膽崩摧。殆不知此身之爲何人。此居之爲何地。惟有蹣跚號哭。昏然慟悼而已。獨恨官守未膺。事權不在。是以隱割忍痛。含恥偷生。慚愧骨髓。將非人類。如此而猶欲載費於長者之前。觀光於服從之後。無論中有所大不安也。且使明公視之。爲何如人。乎。聞明公初

下車時語衆士子云吾輩讀書半生誰無忠孝之思事勢至此其奈之何又示諭內有云敢曰以官臨民不過同我父老子弟相與休息而已辭氣蘊含幽衷如見識者於語言文字之間知其天懷忠孝一往情深不覺依依感動潸下無聲豈有如此至性之人而顧以守禮不出者爲罪譴乎昔安祿山之變顏杲卿知魏不敵偕袁履謙往迎之祿山授以金紫顏山指謂袁曰此何爲者袁悟遂共起義後之君子不議其迎祿山之非而嘆其爲唐室中興之首倡古之人善處大難往

往○濟○之○以○權○安○知○明○公○之○苦○心○密○慮○此○時○不○暫○出○於○此○也○陶
靖○節○念○其○先○世○晉○臣○終○宋○朝○不○仕○號○晉○處○士○世○人○但○知○其○高
蹈○遠○引○而○不○知○其○慘○念○宗○國○始○終○如○一○梅○豈○敢○自○比○靖○節○然
頑○廉○懦○立○師○法○前○人○亦○君○子○之○所○勉○圖○也○是○以○舉○所○有○薄○產
盡○散○之○故○鄉○親○友○之○窮○乏○者○僅○留○先○人○墳○旁○數○畝○築○草○室○於
側○倘○荷○明○公○教○其○不○臣○之○罪○他○以○三○恪○之○遺○則○香○城○一○丘○可
作○首○陽○片○石○異○日○身○歿○之○後○追○從○先○人○地○下○顏○面○猶○存○俾○土
人○樹○石○於○上○題○曰○故○明○孝○廉○公○梅○公○之○墓○爾○梅○公○先○不○朽○矣○嗟

平復何言哉 大明崇禎十七年五月初六日沛縣慶午科

舉人關爾壽跪死書

附武備復書

慷慨中款唐之民續壽無所得又未能時奉敬於賢豪長者之前是以恩昧遺甚然心知沛上閭先生者有年矣臣僕馬走唐突恭承茲惠且懼亟擬遣臚側聆高誼室邇人遐想窮天際悠悠此中我勢如何拜承台翰氣壯河山長跪讀之真誠愧死二墨清風於今再見至生者非生英難恐淚諸什情見乎辭嗟乎大丈夫當如斯矣鹿鹿如僕庸子不足數也草草佈復不盡翹瞻

答褚鼎卿書

天下人所稱最傷心事有踰於盜發先人之墓

賢伯仲竟身罹其痛也豈獨賢伯仲痛之凡屬鄉黨姻婭之
末未有不泫然流涕撫膺愴嘆者嗟乎事已至此更復何言
唯當被髮入山脩省悔過而已異日以憂勤德業之勞爲發
憤補愆之舉是所望於仁人孝子隱忍韜藏徐觀時勢而圖
其成也郭汾陽昔曾遇此數語引咎朝廷安之豈非前哲之
遠慮深思而後世處憂患者之龜鑑耶願勿汲汲然計報復

於旦夕也堪輿爲學問中第一與義君子謂其理居衆緯之
先非靜心養氣者不能察災祲非博極羣書者不能攷正變
非多歷江河窺南北支壠之性情者不能擴心胸非步窮舊
墳詳興敗剝復之故者不能定從違故精其術者號地仙其
地之上吉者曰人品次功業次文章次壽考次戶口最下則
富貴爵祿耳今天下人遑遑置人品功業文章不論而爭求
之富貴爵祿之餘遂謂地必擇其大者夫不務真而務大則
且擇之滄海之腹泰山之峯俯羣嶽朝百川而後云地耶其

不與俱滅者亦少矣此所謂虛張其說以惑主人之志而利其金者也沛中鄧主簿江西人祖傳地理偽官信到急避淮上去矣奈何

勞山募緣疏

乙酉避亂淮陰客有以浮海勸予者予不識海上路山川深
渺莫可窮訪故未敢決計羽士呂真奎自言幼居勞山山幽
甚內多異境服氣辟穀家往往棲焉張文成從赤松子游或
者疑其假託夫君子志行願適肥遯養年自是智者先幾卽
不然効魯仲連義不帝秦蹈東海而死亦挫廉遜名者之極
思也又何必志行願適而後遠引乎羽士苦修十年旣募靈
官像祀淮城更欲募三茅君像載歸勞山倘亦彼之所謂志

行願適從游赤松者耶子意其以三茅君幻爲霞市蜃樓將
招子於蓬島三神山間不獨爲學魯連者關海上榛莽也閏
六月初十日書於射陽湖之蘆港

火星廟禪堂募緣疏

僧玉山者鄴人也○幼居沛之東鄉相國寺○寺圯于水○去歸鄴
下○五六年復來沛上○予爲結草庵于官河西澣○未幾又圯○水
遂移七山之火星廟居焉○廟故道家祝釐地○非釋子常住處
也○廟無禪堂○僧與里中好修者謀草創之○因乞予言爲募○予
思此僧朴野○無他文采○然居吾鄉三十載○未嘗作欺人語○作
暴殄事○吾鄉人頗愛重之○卽予先君暨予○皆時時爲之護○汰
今老矣○子又以避難從海上歸○世變陵○親知疎薄○雖素稱

砥礪名節者率改竽濫吹獨此僧堅任本質依依不忍棄予
太豈彼教之所謂風因將在是耶然亦足以媿士君子之鮮
終者矣予故爲之捐貲經始又爲述相與之有年以見予之
爲此僧護法非偶然而已也楞嚴云性火真空性空真火今
以釋子開宗律於火宮之側其諸遍法界執鏡之義歟不知
誰爲得未曾有而太如阿難者也予戲以印之諸好修者玉

山諱

道真

丙戌八月朔日書

觀音閣募緣疏

太沛城之西北三里許有所謂呂母塚者漢呂太后之母葬地也高可二十丈廣從百丈有餘自漢迄今兩千年水淤沙浸沒太者不可勝紀而塚故巍然當時外戚陵宮之盛殊可想見土久氣合固吾沛形勢藏結處也里人用堪輿家言構佛寺鎮之近又謀造觀音大士閣旣苦無貲又苦無任事者蓋此寺廢久矣鄉里貧乏者莫能任事而能任事者又或別有營築棄此不復顧惜盛者盛之衰者衰之人情大抵然也

余思漢初王侯將相半產沛上○今墟址攸在○而蕭條榛莽○視
前迥絕○豈地之廢興不存乎地○存乎人耶○雞園雁堂○誰實創
始○行深功苦○必將有起而應之○如古給孤輩○爲之先後奔走
者矣○我人其勉之哉○

背坐觀音閣募緣疏

滕之西南數十里地名戚城城外有背坐觀音庵俗傳大士
居海南禮大士者咸南面往大士北面受之故結庵者取象
乎此也庵初自神廟中年舊無閣寇亂兵興居民苦盜又
爲官軍所擾遑遑無藏匿處宋君德禮患之倡義捐貲建閣
菴後力未能獨舉也以陳君國紀爲介紹走百里乞言予思
近世鄉里人持戒誦經呪習入戎首者無之非是誰有念小
民無依築善地以存活之者宋君此意殊不與諸人其沒沒

也○又聞宋君每自言○吾擁薄產○乏胤嗣○年垂老矣○不蚤作功
德○計顧斤斤爲寇○戶守奚益耶○今天下士大夫居官居鄉○營
厚富○凌桑梓○震熠當時○子孫弗臧○曾未一傳○輒舉而委之他
姓○善乎宋君可謂達人矣○君子有亂世○無亂心生○值兵戈抱
室家○子女之憂者○何限○使人人如宋君○能倡義捐貲○緩急可
恃○則至誠所感○鬼神通之○雖牧豎童子○皆可與現○大士之身
也○海南之教○何事乞衣鉢於嵩丘○瞻慈雲於雙樹也○哉○陳君
與余同筆研○頗質直○故不疑其所言而爲之疏○

萬佛閣募緣疏

竊惟佛號有萬○其理不殊○如儒者之有列聖○列賢○號亦有萬○其理亦不殊也○往代佞佛帝王○卿相○多不獲令報前人論之者○詳矣○我明禪林○侈興土木○金碧動損億萬○京師吳越○尤甚○京師主者○大半皆后宮戚畹○中官輩○吳越則士大夫主之○萬曆年間○效尤持咒○肅肅焉○如金科玉律○雖聖論不能復奪○及考其屋漏間○居所爲○或有三尺童子○所羞稱而禽獸之所不屑者○百姓婦女○市兒賊盜○轉相煽惑○姦藏禍深○未及

百年而天下大亂遂不忍言矣豈佛之無知至此乎夫謂佛
無知崇之何益謂其有知崇之而不獲崇之之報又殊不烈
有知者於是道學家援程朱迂論正色斥闢弗勝也予曰是
皆不然佛與儒同理而不同作用要之勸善懲惡其心一也
世人不習其心而徒習其事故惛惛至此此豈立教者之過
歟夫習其心又習其事者佛之所以別於儒也習其心不必
習其事者儒之所以通於佛也苟徒習其事而不習其心則
不惟在佛失其佛之真而在儒并失其儒之貌雖曰取佛閣

而建之浮圖十仞舍利十升曾何益於世道人心治亂之本
務哉然則萬佛卽無佛可也時崇禎十有七年端午後三日
書

明故待誥贈閭母陳孺人墓誌銘

有明朝議大夫閩蹕礎公之子修齡○以其母陳孺人行狀來○
向余乞言○曰先大夫旣塋矣○黃石齋太史旣爲先大夫作墓
誌矣○先贈母高孺人繼贈母蔡孺人亦旣附先大夫墓誌納
之墳中矣○兩孺人俱無出獨陳孺人實生不孝修齡○先大夫
宗祔得一綫不絕者○陳之貽也○顧自先大夫筮仕之初○以及
宦成之後○茹荼盡瘁○多歷年所○曾不得博一命之綸○修齡心
竊痛之○敢持求一誌爲吾母光修齡死○不恨矣○余憶昔年客

淮上雅爲蹕礎公所重而修齡與余又篤兄事之義孺人誌
安所得辭按孺人淮之山陽縣鄉飲賓陳公默齋長女兵部
職方司郎中無學公女弟也默齋布衣好學問喜談詩以勤
儉訓其家孺人習之溫克有威儀內則秩然是時蹕礎公已
成進士繼配蔡孺人屢字弗育公母楊太孺人知陳賢遂命
公委禽焉孺人謹事楊蔡各得其懽贊御臧獲慈如已子中
外交稱無間先是蹕礎公之祖之父以大原望族賈淮上策
璫積貲豐融楊蔡相繼主中饋陳佐之綜理周詳以是公繇

司李舉卓異○歷任民部郡守○晉階朝議○國而忘家○無內顧之虞○孺人力居多也○丁巳九月生○修齡京邸○甫八月○公陟寧前○備兵值建州告警○公置孺人修齡於潞河民舍○單騎出關○孺人束裝趨之○速就道○亦可謂明於大義矣○無何○公投劾歸爲○兩尊人○奉晚年蔬水○孺人佐公承歡○盤盂巾櫛晨夕僮僮○無何丁外艱○孺人又佐公襄大事○哀毀如公○含殮禭賻之物○皆躬自操作○無倦○雖公刑于使然○然非賢而勤於禮者○恐未必能無貽糴也○孺人歸公二十餘年○始終一跡○生豕子○攷其應

得之爵允宜綸誥願以公投劾故爲當事特齡久淹林下孺
人遂亦不獲與高蔡同封長逝之年修齡纔十有四歲爾孺
人未及見其成也是亦其遺憾云
銘曰猗猗之蘭植彼華屋綺繡生雲嫋然而馥蚌則有珠
鸞則有轡明德繩繩俾爾戩穀

杞縣馬進士墓誌銘

故淮安司李馬公人表卒於魏郡之明年其長子千秋持公
行實來謁求墓誌予憶公李淮時始終未一識子顧重予特
甚又陰有造於予是予之知己也文生於情斯役也余曷敢
辭遂受簡讀竟歎曰公生平止此乎抑行實有不能盡載者
請以所聞所傳聞者兼附之可乎予所聞公蓋負不羈之才
不得已而聊以權術自見者也公河南杞縣人生有偉姿長
九尺父命名曰頤字人表一字頤公詩云頤人其頤顧其名

可想見其人矣。公幼孤，母朱孺人，誓節撫訓，性穎敏，經史過目輒上口。喜觀大意，不斷斷章句也。十六歲補邑庠弟子員。崇禎元年，試有司冠軍，食餼三年。朱孺人病革，流冠信迫公泣曰：「古人所以不踰墓、不踰月葬其親者，正慮變出不測，使死者早安地下也。今三喪未舉，冠旦夕且來，萬一禍生，雖悔何益乎？速葬之。」未幾，河決灌大梁，杞城潰竄。公時已携家北渡，假寓其城矣。聞故鄉親友停柩者，慘不忍言。公泣且笑曰：「不孝願今而後可以安死者於地下也。且可以見吾父於他。」

日○三○喪○者○公○之○祖○母○氏○母○氏○暨○仲○父○云○是○歲○河○南○鄉○試○廢○明
年○癸○未○補○科○其○城○公○中○式○明○年○甲○申○三○月○十○九○日○國○變○公○急
携○家○南○渡○歷○江○淮○意○猶○有○晉○建○康○宋○臨○安○望○也○明○年○乙○酉○五
月○留○都○陷○國○家○大○事○盡○太○公○無○可○如○何○復○携○家○北○渡○聞○中○州
盜○平○遂○還○杞○明○年○丙○戌○成○進○士○則○順○治○三○年○矣○初○授○淮○安○府
推○官○淮○爲○水○陸○通○郵○號○難○治○又○潛○運○添○設○侍○郎○駐○新○城○語
言○嗜○好○與○中○華○迥○異○造○造○借○飛○語○侵○掠○無○辜○公○度○不○可○力○爭
則○游○戲○以○結○其○懽○彼○重○信○公○弗○猜○以○是○多○所○拯○援○自○紳○士○民

商鹽課漕艘兵符驛傳以及劉澤清遺孽奸吏舞文諸守令
或縮手模稜公悉爲平反大難大疑剴然節解丁亥九月鹽
城大盜攻新城侍郎幾不免盜退遺有冊籍名姓侍郎欲
屠居民上首功公堅持不可因移署新城坐鎮之示淮民無
反側意又各處挾讐相詰首公從容訊釋之淮民大安而不
利於公者卽用是中公云公雅好文學郡務蜩集猶捐俸創
書院召名下士講究六經正文體戊子分較南閩稱得人公
善臨諸家書篆隸兼長行楷頗似大蘇詩則孟東野李義山

之儔○著述如栢霜○苔龕○甌香居三十棒○愁鑑客譜○颿課皆取
名○初獲偶游一冊古甚似鄴道元水經註○柳子厚永州記銘
公又善繪事○花卉尤工○又善解音歌○搆小齋植竹○畜聲伎其
中○顏曰○顧誤蓋隱然自命以周郎也○此又中公者之一端也○
公天資雄爽○少所推許○獨以不及識予爲恨○時沛中有不肖
生○以抗節蓄髮○攻子者○公曰○吾儕薙髮原非得已○汝不自愧
而反以攻人耶○今卽聽汝○倘彼薙髮來前○吾反坐沙矣○事遂
寢○此事予初不知○夫公當日用不肖者言○殺子與否○正未可

料○乃○其○意○則○必○不○欲○殺○子○且○視○天○下○凡○有○如○子○者○公○必○人○人○
而○護○持○之○也○李○振○附○朱○梁○而○白○馬○沉○留○夢○炎○入○蒙○古○而○文○山○
死○時○異○勢○殊○相○形○則○忌○誰○肯○哭○龔○勝○於○新○室○酌○陶○今○於○元○嘉○
耶○噫○難○矣○不○但○此○也○公○之○言○曰○吾○夙○有○微○志○遭○時○不○偶○竟○爾○
浮○沉○非○其○好○也○苟○不○先○自○託○於○賢○者○天○下○士○大○夫○其○謂○我○何○
王○景○畧○仕○秦○而○義○不○忘○晉○狄○懷○英○臣○周○而○忠○不○負○唐○吾○豈○不○
能○但○未○敢○明○以○示○人○耳○彭○城○萬○年○少○避○地○淮○上○幅○巾○衲○衣○以○
書○畫○自○娛○市○人○謗○爲○異○服○公○夜○往○私○候○之○謗○者○頓○息○歸○安○前○

太史韓求仲子起義兵敗逕淮上爲讐者所訟公救之得釋
公之保全善類大率如此此皆行實之所未載而予得之所
聞所傳聞者後之君子設以身處其地采遺事而悲其心焉
公亦可以瞑目於九原矣公生於明萬曆乙巳年丙申年卒
於大名府經歷署中志畢更爲之銘

銘曰猗彼雍丘原隰昫昫沃田嘉樹誕茲碩人碩人其頎駿
骨能姿多材多藝天矯離奇天步艱難匪家匪國降志辱
身易彼初服白眼嘲謔簡兮蹢躅思鋤稂莠爰植芳蘭狎

圖澄之海陽號長樂以痴頑蓋其中大有所不得已而又
不可爲俗人言○安知北謫之非汨羅而南葬之非生還我
爲之納斯銘於壙中而招魂於三白松之間○
三白松公別業也在杞城東

沛王廣文墓誌銘

王廣文者沛漢臺里人也。祖易齋先生名守道。歲貢。歷仕常德府學教授。父謙所先生名嘉賓。選貢。仕寧津縣令。兩地皆祠名宦。廣文名應禎。字興之。號德符。十八歲補邑博士弟子員。蓋有明萬曆二十一年癸巳也。試高等食餼。久之以歲貢仕高郵州學訓沛士人。稱王廣文云。先是易齋謙所兩世清節宦遊。無腴產。廣文輕財。又不善營家人業。性放達。好客喜飲酒。貧不能給。鬻城中宅。徙居城南之秦村。其丘隴也。日與

父老農夫坐桑柳濃陰下。命酒狂歌醉輒睡。稍醒則又飲。倏醒倏醉。率以爲常。鄰舍災火。廣文拉門人丁生。携杯竿往視。火正熾。草燭无音。流光迸散。廣文大聲叫絕。謂此不愈于燈市。題火樹銀花耶。主人盛怒。出兒女謾詬之。廣文曰。柳子厚賀王進士失火。今吾賀汝。亦欲汝異日成進士耳。何詬爲衆皆大笑。沛令李公遜庵。月課以酒餽勞諸士。諸士辭以醉。李公云。凡人真醉必不自知。反酣呼索酒。今不爾。安言醉。廣文信其語。少刻酣呼云。我不醉。當速酌我。李公云。王君真率不

似諸君飾說卽命巨觥連酌廣文苦不能支衆皆大笑在高
郵厭腐儒禮時時徒步湖干上酒樓開牕眺煙雨淮南漁村
山影一覽入目中興發則呼客持簫管蕩舟芙蓉渠深處取荷
葉貯五加皮酒效古人碧筒飲法悲歌狂嘯四渚花香湖外
但聞笑語響出菰蘆間竟不知何人也諸生節費常儀槩謝
卻有以酒問字者受之有刀民訟諸生者斥逐之曲爲保全
士氣大振緣月課與同官不合遂賦歸來歸里後貧日益甚
親知省候則就其所携之酒共醉壺盡而止或假貸之則受

弗謝未嘗先向人言也甲申後絕跡城市享年八十有八老
秦村廣文博古能歌行喜杜工部蘇端明集題句草堂云詩
宗老杜文法大蘇銘曰鬱彼香城有蔚其雲山川之秀產此
榆枌曰黜曰負以善釀聞亭長悲歌繼之伯倫流風遺韻爰
及廣文筮仕鄭虔之官沒與陶家爲鄰吾將遣江州之白衣
時乞食之微君九原可作夫復何云

沛文學閻公墓誌銘

今天子十三年八月。余以予告歸里。次沛上門人閻爾梅來

謁。出其先君子景文公行實。屬余爲誌。余讀竟嘆息。因知閻

氏之所以興也。公諱思訥沛邑庠增廣生。文泉先生季子。家

世治毛詩。自國初至今。皆居沛族。故大然時時苦黃河患。遷

徙無嘗。處弘治年。公會祖始居城東。一再傳至文泉先生族

乃益大。文泉邑諸生勤學博聞。爲遠近師表。性峻潔。不能容

人之過。然事後輒忘。公以是人多化之。詳載在本誌中公生

十一歲祖母

朱氏

卒又一歲母

仇氏

卒伯兄

思忠

仲兄

思默

各析爨先是文泉落落負大志不問家人產又善飲無虛日
值嘉靖乙丑歲黃河決豐沛廬舍盡沒水中土田荒蕪家遂
貧移居北莊去舊居七里許公生三歲北莊火家遂日益貧
夫家日益貧文泉淹滯諸生間又日益老祖母氏母氏相繼
卒又日益失所恃伯兄仲兄各析爨又日益無所資公十餘
齡也爲公者不亦難乎是後文泉或敎授豐鄉或嶧之蘭陵
褚氏公輒與俱以兒子執門弟子禮兼借主家薪膏肆力讀

古書然文泉館金往往不足佐酒資歲一終則蕭然四壁立也又選選出飲友人家浹旬不返公或日不再食文泉亦不問公天資遲鈍然甚勤讀書寒暑弗輟嘗手拾牛糞炙日中使乾夜以續火冬月乏綿尋綿種之公絮者置小筐中投雙足於內得不寒又手寫古今文數百卷每誦一葉必百餘過乃熟然一熟則終身不忘嘗自書二語于座右云百勤能補拙一懶便成愚公之立志如此萬曆癸巳年督學御史江西饒公渭錄博士弟子員公與焉明年夏文泉先生卒公居喪

一如古禮服闋娶

呂氏氏

別有誌茲後或教授里中或徐州

或豐多所造就癸卯黃河決沛縣公復避水蘭陵褚氏家以

文泉舊門人爲居停主人卽以舊門人之子爲門人是年九

月長子

爾梅

生公居蘭陵六七年其門人游泮食餽者數人

成進士者一人浙直巡鹽御史褚德培是也閩世爲師褚世

爲門人於時傳爲美談甲寅歸沛城從游者日衆是時

爾梅

生十二年矣亦以兒子執門弟子禮如公昔日侍文泉先生

也公設科務敦彝倫嚴名教動止必以禮善飲酒飲多至大

醉不亂詩曰人之齊聖飲酒溫克庶幾近之公力學五十年
邑大夫季試學師月課院道各上臺觀風輒居高等遇提學
錄科輒失利僅於巴西科一窺場屋又不售其數奇如此公
生平多善事如隣人張姓者侵公地反加橫逆公謹避之迨
丈尺井井伊悔罪願輸地內息自贖將至百石公謝不受又
有豪隣好鷹犬者鷹逐雉入人籬爲籬內人所傷豪逼之償
籬內人貧甚賣兒以應公聞而責之事遂解兒得不賣居家
喜賓客每食故舊貧乏者填集且誠諸弟子曰吾勿從貧乏

中來安得以故舊之貧乏者爲耻吾知與吾故舊共醉耳晚
年徵山湖水爲害鄰里姻親流離他邦者什之九懼無以應
催科莫敢歸是時爾梅已從恩選貢士舉庚午科公立命之
請諸邑大夫停追逋招使復業瀕湖百姓生還者千餘家公
嘗自言吾厄於科名未遂所志願得豐稔數年使廩有餘穀
輸之有司補國課解一鄉倒懸亦義舉也疾篤將易簀猶以
囑爾梅令成之嗟乎公可謂樂善不倦死而後已者矣公生

於萬曆甲戌年十二月初二日亥時卒於崇禎丙子年二月

二十七日辰時壽六十有三誌成並爲之銘銘曰
○彼君子
○今世有明德家學相承其儀不忒景行行止香城之域
○

明萬曆己未科進士繇翰林院春坊歷陞詹事禮部侍郎東
閣大學士浙水姚明恭撰
公號直斗庚午順天主考爾旂座
師

顧孝婦陸氏墓碑

孝婦陸氏者吳江顧云美室人也。諱宜字山淑。長洲陳墓鎮人。氏少顧子六歲。壬申年十八歸顧子。內則嫻修奉舅姑甚謹。辛巳顧母病。氏侍藥粥。中裙廁。必躬自浣滌。如是者七十日。無倦。先是顧母病時。氏之弟將葬其父母。以墓期報氏。氏云。吾旣嫁女也。禮旣嫁。先舅姑而後父母。今吾姑危甚。且夕不可知。倘吾去。墓吾父母。歸而不及見吾姑。吾何顏作顧氏婦耶。竟不果往。未幾顧母卒。氏襄事畢。迺往哭其父母於

慕次。君子謂之有禮。於是遂以孝婦名焉。顧子免喪後，卜居虎丘山之塔影園，閉門卻掃。氏勤搯作，佐鹽齏。顧子得以肆學古文詞詩歌，精大小篆八分，銅玉圖章，無所不稽核者。氏之力也。昔德曜偕伯鸞隱吳市，漢史稱之。陸氏其再見矣。丙申冬，氏感寒喀血，屢痊屢作。凡兩年，已亥閏三月，不起。維時顧翁亦病卧郡城內，顧子晨夕往來，營藥醫道，遠不相及。一日語氏云：「大人病亟，吾入侍，苟緩急不能出，毋我恨也。」婦人不施男子之手，卿其勉之。徑入城，不顧明日家人來。述氏垂

危狀顧子泣曰吾不能兩全也書片紙付其長女云吾在此
侍吾父汝侍汝母各爲其父母可也有頃訃音至越七日顧
翁亦易簀嗚呼陸氏以姑之病而不及會其父母之葬顧子
以父之病而不及視其妻之死此皆人所難者然而爲顧子
難爲陸氏尤難也賢哉民生二女無子嘗欲爲顧子置側室
顧子方高尚懼增家累一笑而已然則陸氏之賢豈非顧子
之賢有所以心折之而使然耶傳曰身不行道不行於妻子
士大夫固有厲色於鄉曲朝廷之上而汗顏於牀第之間者

荅

求如顧子之晦跡食貧蕭然長往。俾其家室亦甘與之樂飢。而沒齒不懈。今天下有幾人哉。吾故欲以表陸氏者。表顧子。且使顧子慎思其所終焉。而後可謂之表陸氏也已。顧子諱

虞山錢牧齋見此作與之。謂顧子曰。古古善罵人。當世無所推許。此作殊不易得也。因以墓志續之云云。

黃石齋爲閩蹕礎募誌跋

黃石齋太史爲蹕礎公作募誌述其在寧前時有先見而不
獲竟其川頗惋惜之因憶壬申之秋客淮上蹕礎公一再招
余飲時孔逆友德叛據登州余問公公曰此癰疥疾耳建氛
孔棘朝臣樹黨薦不知兵之書生而授之兵是可愛也余
問公嚮在寧前何不極言其弊乃勇退耶退則勇矣如報國
何公曰報國不可託之空言也用人者當知人用於人者當
自知力餘於擔任乃得勝今不論其知兵與否而授之兵彼

又不自知其不知兵而妄謂能兵趙括陸機之禍種種矣吾
亦非知兵者欲報國而辱國故不如投効之爲愈也敢云勇
退哉余又問今天下固無知兵者倘有之功可得成否公曰
吾不敢謂其功之不成也然而實難樹黨堅則掣肘衆雖有
其人誰能始終之魏相信營平者少秦檜忌忠武者多也公
之持論如此然則公可謂深於自知不肯辱國者矣李晟審
吐蕃敗盟曹瑋察趙元昊必反書生或能以形勢坐測之若
使敗盟者必不敢敗盟反者必不敢反此豈書生所能坐測

耶○范○仲○淹○韓○琦○亦○僅○可○川○之○朝○廷○耳○其○在○西○夏○也○韓○喪○師○而○
范○無○功○瞻○寒○之○謠○宋○人○自○欺○昔○戊○寅○九○月○遇○石○齋○於○任○城○論○
川○黨○壬○午○四○月○又○遇○於○金○陵○論○流○寇○大○率○自○用○而○不○肯○服○善○
學○問○未○博○語○多○彫○響○倘○任○以○封○疆○未○必○非○楊○鎬○袁○崇○煥○也○因○
敘○次○躋○礎○公○往○論○而○并○及○之○

泊水齋詩跋

丙戌三月有客自金陵過余者述甲申乙酉間事頗悽惻因
及高涇齋張藐山兩先生雅重余盛有所稱引欲以國史委
余余愕然不知其所從來私念高公膠州人張公陽城人距
余居東西各千里地遠位殊無緣通識顧何以得此乎豈延
譽後學不使其人知之古大臣之賢者類然耶微客言余幾
失此兩知己矣故旣序藐山先生詩而並識之

涇齋高公諱弘圖山東膠州人庚戌進士仕至大學士藐

山張公諱慎言山西陽城人庚戌進士仕至吏部尚書國
變南遷俱以節終

跋文衡山墨蹟

文衡山書法於 本朝諸家最爲合道楊子曰大道猶規矩
準繩此言隸楷行草之必本乎六書也張東海書名甚著自
矜獨造衡山謂其不學陳白陽爲衡山高足工書法縱放蕭
疎迢迢出蹊徑外衡山云白陽吾制舉執弟子非書畫弟子
也觀此則衡山之意固將有所重者友人張子坤偶持衡山
墨蹟數十葉示余命跋之余不解書安敢跋衡山書然今天
下人好黨同伐異以門戶爭長惟不解者庶幾免此子瞻云

作詩必此詩定知非詩人子坤之命余跋之也意在斯乎

跋戈靖之畫冊

畫院盛於宋而稱大家者有四皆元時人趙松雪亦元人也
獨不得與豈非以其有意爲工遂不及以自然爲宗者耶雲
間戈靖之善畫董思白陳仲醇諸公雅器重之乙酉暑月予
過之海上出其畫冊十餘幀示予疎拙簡老筆力在北苑南
宮間與元四大家同鼻祖而變化出之固非有意爲工者所
可摹似也靖之諱寧善醫又善琴予不復論論其畫海氣將
秋蘆天一色展冊對之如置身瀟壁滄洲中矣

候湖廣總督李太保 鐵嶺人 代

伏以星聚東井箕尾虛三公之座雲高南陸衡湘勒九伐之

銘周禮詰戎之長位次天官漢書執法之丞班聯宰相恭惟

云云奕世元侯典朝良翰寧遠分茅 李成 鐵券輝煌鐵嶺仰

成開府 李如 銀弓照耀銀州閱閱簪纓枝柯黼黻讀衛國之

陰符 靖 李 師維家舅佩涼公之寶劍 李 趙自先臣年富力強地

華人秀北塞椎牛 李 牧將士樂爲之川南山射虎 李 廣 卑于背避

其鋒荷戟從龍晉階司馬既推轂於澶淵 前在 大名爲 山左

河南安堵復揚旌於鄂渚

今在湖廣

洞庭雲夢無波軍民錯處當

戰守之咽喉水陸交衝控西南之鎖鑰緣七澤而撻鬼方駐

軍沙子沂五溪而搜蠻洞取路桃源重夔橋櫓輪琛荆口之

開吳越漁鹽待哺巴陵之稻觀其投大遺艱者乃爾非此文

經武緯者不能累愚嶺上巨鵝步之連營岫嶠峯前啟鷹揚

之繡幄八旗彪子五部龍媒鑢刀楷矢貔貅醉鴨綠之烟犀

甲鼙鉦琤珠飾鵝黃之盜農桑如故鷄犬無驚文茵坐處有

前歌後舞之容露布騰來示歸馬放牛之意始而峭峽朝宗

繼興球羅納款○白雉青獅俱馴跪拜○頭飛鼻飲悉屬編氓○然
後振旅還戈○策勲告廟○錫之秬鬯○貺以彤弓○君山漢水永堅
帶礪之盟○麟閣雲臺全壽旂常之數○寶車騎之麾前○徧除都
護郭汾陽之門下○僉署儀同○豈非所謂開國承家○光前裕後
者耶○其久切識韓○今將御李○仲寶風流○泛綠水芙蓉之幕元
規坦率○侍清秋嘯詠之樓云云

候湖廣巡撫張大司馬

潘陽人 代

伏以璫啟綠江天市儲鷹揚之宿祥開朱嶽君山奏虎拜之
臣改漢官之制躋司馬爲三公披宋史之文列中丞於二府

內叅機務外掌藩戎恭惟

云云

瀚海靈珠營州美壁留侯佐

命

張子房

初封漢室元勲燕國登庸

張說張嘉貞

迭作唐家宰相探

黃帝之陰符遵時豹變鍾白山之間氣翊運龍飛三韓碩士

處風雲際會之鄉八柱名卿開江漢朝宗之府陶士行致力

中原愛惜竹頭木屑杜元凱留心左傳尋常緩帶輕裘霜嚴

刁斗漁歌入浦銅鞮風怒檣帆烟嘯橫江鐵鎖犀甲浴銀潢
雲夢直吞八九珠鞮鳴錦幕春申饒有三千伐衡山之鼓雷
驚黃鶴樓前投污水之戈浪靜赤蛟潭底碑淚襄陽豈有鳩
人叔子碁譚夏口時聞顧曲周郎李衛公再旬而平蕭銑全
是疑兵岳少保八日而破楊么居然神筭蓋勢處咽喉多有
先朝壁壘而權兼撫躬必資元老經營讀書合變制敵無方
曳柴搖櫓背直綠之玄機北馬南舟脩孫吳之勝筭論功行
賞賜券封侯寓止戈之武以培天地之和餘不殺之威子孫之慶某不勝云云

候陝西學道河間府東光縣人代

伏以鳳翥丹岑司祿掌金華之冊麟銜紫誥戴儵垂玉之

文觀九疇之式序禮樂之典何待百年誦五教之惟寬詩書

之澤匪伊六郡恭惟云云天胎山名在東光縣南十里桂兔海市龍

胡蘓亭左雲披董子之帷徒駭河西葩映毛公之館蛟騰靳

水駿駕燕臺以大司馬之股肱爲古長安之師表森然武庫

卓爾文宗改咸周棫樸之隆要在開雕麟趾稍有漢科名之

制兼收文學賢良九嶷三峙凡通經博物者拔其尤兩角七

盤有蚪篆繡紋焉探其祕○汧渭產驊駝○駐臯敦之弗顧○褒斜○
生杞梓○願匪石之加繩○蘭滋上苑○春華秋實○皆香鵝舞西雛○
大呂黃鍾○協奏高蹈者○不求名○蟠水之漁翁○可載洽聞者○先○
識字岐陽之獵鼓○宜蒐程伯淳傳經鄆縣門人○如坐春風○楊○
蓬庵督學關中○榜首無非名士○訪殘碣于甯隧橋陵○紀白豹○
黃龍之跡○註名山于崆同○疏屬釋廣成貳負之疑○將使車轡○
馴鐵詣雅頌之笙靴○且移太白終南○備宮牆之俎豆云云○

迎河南學道啟 嘉興人姓王山翰林院外轉 代

伏以麟銜綠字東國披金簡之文鸞駕州輿南宮錫玉華之
祉章黼黻于彤庭八磚敷地采菁莪于廣野五宿經天文教
肆新士風丕變恭惟 云云 瑯邪錦冑構李瓊英鸞鵲湖上雲
飛海市之帆烟雨樓中月燦江花之筆旣揚芬于繡浦人稱
出水芙蓉遂振步于金臺衆羨絕塵騷駉瑤池獨醉傾春華
秋實之林香案徐行鳴玉節金和之珮烏巷衣冠昔續紛于
白下青箱圖史今炳耀于潯南詎宜續太保之 王 功名晉階

四相亦且紹司徒之盛王美虛席三台乃從顧問之餘俾以

蒐羅之任載旆揚鑣署六經之武庫拔茅連茹音太司八郡之

文衡潁川汝水素稱節義之鄉緱嶺蕪門多有神仙之館表

箕山之隱士巢許優游廣雪苑之遺音鄒枚倡和前此春秋

作者誰非博物洽聞後來伊洛諸生亦解吟風弄月凡茲兩

河之俊又悉云千載之遭逢畧牝牡而相天機收太行之驥

汗端模楷而持月旦關司隸之龍門長沙年少邀賞鑑于吳

公叔度名高經品題于荀令蓋敷教不徒徵文而薦賢所以

爲國桃李不言○皆環橋之春色○
憇蘭有種○待樹畝之佳人○將○
使干戈之氣○悉潤色以琮璜○
行看鄭衛之音○皆沉涵于雅頌○
功無與比○德莫可倫○
某鍛羽寒禽○代庖屬吏○愧魯魚之莫辨○
思正字于天祿石渠處○
遂翟而擢晨竊依光于泰山北斗○
高○
客難逢○行且執經門下○
荆州願識○敢云吐氣階前○
恭修蠅楮○
遠逐龍光○不勝云云

河南河道兵備上任啟

翰林院外轉 代

伏以石閣然藜載籍充蘭臺之匱金隄樹柳宜防築瓠子之
宮移八磚之素影圖史香生席九曲之安瀾河渠書奏綦惟
云云春苑琳瑯冬官黼黻翔集上林想佩玉鳴珂之度沉酣
東壁搜木天柱史之藏備九重之顧問凡諸子百家之學靡
所不闕輯三事之修能俾亮工熙載之儔於焉獨步廼文采
風流方熠熠于中書而綜核明達須陶鎔于外寇往者河決
中州十年罹懷襄之禍幸而功成昨歲四瀆勒疏導之銘民

其歸矣。念江海之蜚鴻，帝曰：欽哉！更綢繆于未雨，遂使博物
宏辭之彥，出爲隨山刊木之臣。銀瓜鹵簿，知錦駟之來自薇
垣；繡牙威儀，羨瑤旌之稅于良嶽。黃花浪靜，徐觀八月之濤；
綠竹園深，預作九河之槌。乘櫓象山川而制器，宜歛宜
容。蕪菁洩以儲材，必使朝宗滄海，勿貽郡縣之憂。因而轉餉，
神京不負朝廷之任。綺陌桑麻，奠洪荒于沃野；肅舡簫鼓，歌
燕喜于中流。經濟匡時，文章報國。某枯泥涸鮒，得非沉蛙久
遠。鯨浪誰爲渡筏之人？初銜龍門，非有同舟之望。特以賦田

高下粵稽古貢于塗山兼之漣沅源流敢乞成書于漢史謹
借邗筒恭陳束帛閣上綠塵久著山公之介田間芹曝聊將
野士之誠觀大火之初流遙沾玉露託寒蟬之細響仰達金
曼不勝云云

答劉氏求婚啓

代孟八

伏○以○昔○月○迎○陽○周○典○博○求○陰○之○義○應○鍾○歌○族○春○官○調○合○氣○之○
音○六○禮○云○嘉○百○年○伊○始○恭○惟○親○家○云○赤○帝○銀○潢○白○村○玉○葉○
攷○獻○徵○文○吞○吐○河○間○東○海○探○玄○稽○古○蒐○漁○江○左○西○京○丹○澤○濯○
七○襄○之○組○絲○絲○火○鼠○霜○蠶○紉○宮○滋○九○隴○之○葩○湛○湛○琪○英○璚○蕊○
夜○閣○有○藜○燈○原○是○詩○書○之○爛○劉○向○春○山○無○鶴○鳥○應○慚○孝○友○之○
虛○劉○歆○琢○蒸○鱗○以○作○棟○補○天○之○石○色○成○霓○衣○璚○甲○以○揮○絃○擲○
地○之○金○聲○入○賦○漪○波○洪○注○錦○翻○高○搏○德○星○輝○頻○上○將○再○古○荀○

氏之龍奇數配河東。且先翦薛門之鳳。崛起羣張。欣孟陽之
有弟。聯翻衆賈。歎偉節之難兄。伯仲壘壘。鄉邦黼黻。翁
盤窺
簪珥。駘負鹽車。憶鄢陵榆社。曾爲傾蓋之交。迨辛卯槐闌。竟
讓着鞭之路。盟言勿斁。古道攸敦。在親家不忘杵臼。甘垂松
栢。以就女蘿。在不肖自愧雲泥。真比蒹葭之依瓊樹。職載地
卿媒氏掌萬民之判。繩操月叟。冰人諧兩姓之懽。蜀山鳴而
銅鐘答響。觀氣類之網魚。麋律協而鐵羽驚飛。悟倡隨之節
候。今嗣監田美璧碧落靈珠。坦腹於烏衣巷裏。蘊藉無倫。報

婚於玉鏡臺前。風流自賞。但小女孩提失恃中饋希傳權相
保姆實維。迺父迺兄。粗授閨箴。聊託諸姑。諸姊香奩弗備。陋
質增媿。矧先人布荆。是訓不喜。聽柳絮之吟。而弱息蘋藻未
遑。何暇及椒花之頌。適聞納采。誰與結褵。思劉峻通經之雅。
羨華胥之名賢。笑孟光舉案之能。固寒家之醜女。蓋新婦之
容。誠有似德如之妹。倘終身克敬。安知非冀缺之賓。所願和
鳴。齋明琴徽靜好。池感游魚。知房中之樂。奏階齊舞。鶴見壺
內之儀。嫺卜吉而朱鸞照。苞坤元含五宿之章。令終則黃雀

自
有
以
人
之
集
名
下
酬環震索接三公之武不勝云

云

題萬年少書冊

萬年少書法從天分中得來。遒秀處作新姿。體氣高妍。款行勻潔。管美人初起。着輕素單襦。縠紋踈映。肌澤晶然。余嘗推爲本朝第一。吳門顧云美集其往來小帖數十幅爲一冊。皆行書也。嗟乎萬子捐館舍十年矣。萬子捐館舍之年。卽余畫明夷之年也。萬子捐館舍。萬子一生事蓋棺定矣。余畫明夷而不獲蓋棺。余一生事將安所底止乎。嗟乎六書輟講。八法失傳。讀籀史之殘碑。猜疑石鼓。發蘭亭之真本。惋惜。

陵○古○瑟○音○稀○高○山○絃○碎○釵○脚○鉤○銀○鳳○閣○之○寺○豈○已○敝○刀○鋌○
切○玉○鶴○銘○之○綠○字○難○蒐○對○此○遺○笈○潛○焉○出○涕○嗟○乎○萬○子○江○北○
彭○城○人○也○銅○章○粉○畫○多○藝○多○材○繡○虎○雕○龍○不○衫○不○履○可○謂○極○
才○人○之○致○援○名○士○之○長○者○亾○國○以○來○逃○禪○自○廢○聽○老○鸚○音○耻○
過○劉○歊○之○墓○燒○殘○薰○草○微○聞○龔○勝○之○香○信○陵○謝○客○甘○心○醉○酒○
婦○人○向○子○入○山○瞑○目○男○婚○女○嫁○嗟○乎○支○公○長○逝○冀○神○理○之○猶○
綿○張○緒○永○辭○嘆○風○流○之○頓○盡○顧○白○日○之○將○沉○廣○陵○散○於○今○絕○
矣○慨○黃○墟○之○非○故○山○陽○笛○不○覺○悽○然○嗟○乎○吉○光○片○羽○織○成○塔○

影園中安石碎金錄在虎丘山下往矣伊人惻哉吾友

題大癡畫

黃子久畫法本之董北苑而道險過之不似而似乃其所獨
造也本朝沈石田最爲入室近世董思白酷臨北苑而骨薄
姿纖似而不似優孟衣冠矣子久恥仕胡元隱虞山常閉關
兀坐不輕事筆墨至海潮悲漲風雨淒寒雲幻雪晴花飛禽
轉則携琴酒坐劒峰拂水閒先布紙石上適有所會閉目搽
觚追烟景而疾圖之然後瞪目直視務使畫意與現前生動

者○氤○氲○含○吐○始○加○之○皴○染○否○則○碎○去○可○謂○林○壑○移○情○天○工○錯○
繡○者○矣○推○爲○大○家○不○虛○也○此○幅○落○落○處○殊○有○平○遠○疎○微○之○致○
丈○雪○大○師○從○敗○壁○漏○泥○中○鑑○別○之○不○啻○立○本○遇○僧○繇○真○跡○布○
裯○眠○賞○數○日○不○能○去○也○

題李龍眠畫冊

李龍眠作 貢圖十幅各以其本國之人物土產衣冠分別
刻畫之顧盼迴翔顙髭飛動如與其人相目而欲語者至其
翠纓殺文韉鞞蹄鼠又如牕竇細塵髻髻胃射就視之絲絲
見血痕笑齒也然其珍飾貝裝與服不類大約皆真臘佛
齊暹羅以南諸種落蓋有宋方域北少南多龍眠當時躬逢
其盛故摹繪精工傳神肖質遂使海外百蠻皆盤蹕歌呼於
金碧墨粉之間洵絕藝也丈雪大師得之豈所謂慧徹恒沙

漢現之餘溢爲現者耶師笑云居士不聞乎應以貢圖身得度者卽現貢圖身而爲說法不必問入貢者何人作圖者又何人賞圖者又何人也余善共能喝而爲之題

題雪樵蜀中歲莫行吟圖

雪樵入蜀中時○未歲莫也○未歲莫而作歲莫行吟圖○何居曰○
雪樵蓋自有其歲莫而不欲言其所謂歲莫故託之聲律以
見其意○又懼人之不見其意也○故託之圖以狀之○猶曰○此其
形似云耳○天下山川奇險莫如蜀○鳥獸草木惟異○莫如蜀○以
歲莫者○常之岌岌乎三閭悲湘○芷開府哀江南矣○故予爲之
讚之曰○空螺高唱○原無舌醉○蟬橫行不見○螯初閱之○悵悵爾
如是○如是○萬里孤僧○寒不刺千山○落水響無家○再則髡髯爾

如是如是黃河顧祖潮星海黑帝生兒拜木公終則黯黯爾
如是如是噫嘻斯可以觀世

雪樵卽楊游龍諱思聖由學士左遷四川布政使

原缺

僞官入沛城紀事

國家無防禦使官蓋唐名而流寇竊焉者也徐淮則武愔爲之先是予居鄉聞京師失守不信謂京師完固安有一攻輒陷之理况南北撫鎮諸臣何無一發喪馳檄徵兵赴難者此必賊計詐言煽惑耳遲至四月十五日總河部院黃希憲乘輕舟南下沛諸生張景厚往見力止之又上書責之弗聽又遲至二十九日而愔至至則縣官學官率鄉紳士子郊迎如司道禮拜詔改元儼然一易姓受命者或謂愔甫至卽先問

予是宜往謁不則急宜行遁慮且加害嗟嗟天下豈有正人
君子而謁賊者哉河南羣盜充斥遁將安往倘去後貽宗族
親知之患蹈張儉故轍心竊耻之計此時賊雖設官猶未設
兵莫若以大義感動之苟其悔罪未必不爲我用不然則及
其兵寡而亟誅之以一死報國夫復何恨遂於五月初六
日自微山貽懷以書懷得書大慟以是不卽加管然亦竟不
能悔罪也奪縣官印信貯篋中謁先師廟諸生進講賞紙
頗以爲榮收錄員役以百計設官練兵防黃河觀風試諸生

聽訟決獄奸人乘機視鼎所怨仇者誣以巨富大猾立陷之
士紳慄慄莫能保須臾然兵無後繼故亦未敢大肆暴陵也
五月十二日出巡豐縣十八日復歸沛城忽傳官軍已大破
賊賊西走慄恐於二十一日聲言巡蕭陽南行近徐州被擒
是夜沛令逃蓋二十四日事此僞官人沛城本末也據慄自
言非出得已及其發號諭衆一則曰聖主再則曰今上又盛
誇新朝大兵旦夕至以張其威此豈不得已者之所爲乎慄
陝西涇陽人癸未進士方賊陷京師獨不當守義死國難

耶不死 國難而死於僞官均死也相去固已遠矣甚矣憐
之愚也愚以爲憐不足惜也自 廟堂以及邊郡受 先帝
殊恩異寵踰膝百倍者不可勝數死 國難者幾人乎平日
負盛名以文章氣節爲海內重且身登大位儀刑百揆臨時
肩膝迎賊奉表勸進若惟恐有先之者抑不思賊陷京師在
三月十九日十九日之前所事者爲誰耶豈其生而卽爲賊
臣皆出於十九日之後舉十九日之前者而忘之耶甚矣諸
仕於賊者之愚也忽必烈見宋降臣問曰爾等降何容易夫

降者自謂有德於敵而受降者顧反薄之則名節之重人有
同心也嗚呼誰謂
無人不如中國哉

原缺

示二子作詩之法

古聖人之教二三子也○莫先於學詩矣○學詩莫先於稽古稽
古○莫先於三百篇○西京以還○皆變體非古體也○顧其中有六
義焉○有四聲焉○太史公之言曰○非好學深思○心知其意者○難
爲淺見寡聞道也○此雖作史之法○乎作詩之法○實不出于此○
要之心知其意爲難耳○心知其意○斯六義可融而爲三○不知
其意○四聲且漏而爲二○均之於三百篇○茫然也○二子曰○何以
謂六義融而爲三也○曰○風雅頌賦比興○六義也○風多比興而

賦○少○雅○頌○賦○多○而○比○興○少○其○間○參○差○錯○落○連○類○生○情○觸○興○而○
來○興○盡○而○止○是○賦○比○興○三○者○原○散○見○於○風○雅○頌○之○中○而○興○尤○
靈○通○於○賦○比○之○外○孔○子○所○謂○詩○可○以○興○者○此○也○興○去○音○而○箋○
注○作○平○音○誤○矣○是○之○謂○不○知○其○意○者○也○二○子○又○問○何○以○謂○四○
聲○漏○而○爲○二○也○曰○平○上○去○入○四○聲○也○平○居○其○一○仄○居○其○三○若○
此○以○上○去○入○三○仄○爲○一○仄○聲○則○一○平○一○仄○僅○兩○聲○耳○且○平○聲○
內○兼○有○上○聲○之○平○去○聲○之○平○互○換○莫○測○而○全○以○入○聲○轉○渡○而○
合○發○之○沈○約○云○上○有○浮○音○斯○下○有○切○響○蓋○以○言○四○聲○之○合○拍○

也。苟宜上聲而用去，則失之闕緩而鏗鏘無力。宜用去聲而用上，則失之拗捩而咽喉不潤。金石罔諧，宮商相奪，何以格鬼神？享宗廟，覲德政，娛嘉賓乎？汝輩能急取所爲詩，稿對六義四聲，而嚴攻之。諷詠既久，必將有鼓舞發情，躊躇滿志者。然後可與入風雅之林也。余昔有句云：山中常缺酒，海內絕無詩。正謂心知其意者少耳。今與汝輩論，益覺前句之非放言也。

此文專論律詩